

In floralia
Arctoa,
illustrissimo
nomini ...
Johannis
Lillienstedt ...
sacr...

1700-1829 81 Cbza Fo1.



National Library
of Sweden



IN

FLORALIA ARCTOA,

ILLUSTRISSIMO NOMINI

COMITIS EXCELLENTISSIMI

DN. JOHANNIS

LILLIENSTEDT,

SAC. REG. MAJ^{TI}S. REGNIQUE SUECLÆ

SENATORIS,

SACRA,

ANNIVERSARIO PARATU VIII. KAL. QUINCTIL.

A. O. R. CIO IDCC XX. REVIRESCENTIA,

ODE.



HOLMIÆ,

Typis JOH. LAUR. HORRN, Reg. Antiquit. Archiv. Typogr.



*Rande si clangat lyra mi, stupendi
Pindari divi animata plectris:
Aut chelyn Flacci tonet, aut canora
Fulmina Sapphus:*

*Fultus herois tumidus cothurnis
Surgeret spisso boreas teatro:
Candidis Floram veberet Trionum*

*Fama quadrigis.
Fas tamen crudo titubante vati
Pollice Arctos crepuisse chordas:
Alis implumes ut ad alta trudit
Sidera nidos.*

*Palmitum dices licet hinc corymbis
Vestiat ripas Tagus, hinc Garumna:
Feta trugescat Latii Falernis*

*Uva racemis.
Fuge Phaeacum vireat rosetum:
Nutriat fragrans oriens amomum:
Et Palestinae generosa sudent
Balsama valles.*

*Cedrinum splendor Libani virorem
Explicit: luxu decoretur auster
Laurum: spirent Peruana odora
Cinnama canna.*

*Affatim large sua ceterisque
Sparsa naturae tamen est voluptas:
Et suas Arcto Veneres benignus
Parturit aether.*

*Quanta pubescens borei venustas
Veris est? quanto gremium decore
Picta stellatum Gothicis tumescit
Vallibus aestas?*

Flora

Flora sic nobis mare gratiarum
Laxat, & cristas redimita molles,
Roscidis fastu foliis colorum
Luxuriatur.

Rore vernantum rubor hinc rosarum
Ludit: hinc pompæ violante florem
Regia, candent patulis nitore
Lilia labris.

Lacteis rident viola ligustris:
Cumque narcissis hyacinthus, ostro
Mille fertorum, calathique mille
Tingit honores.

Gratia hortorum variata formas,
Advenas miscens Scythicis, coruscat:
Gloria ac gazas prope nostra Eoas
Tanta lacescit.

Ver agris balat Gothicis odorum
Nectar, & spicae mage quam Sabæe,
Quamve Orontæe, redolens salubres
Ventilat auras.

Frondeas pingunt nemorum corollas,
Et decus vibrant Dryades comarum
Floridum: turget viridans apricis
Gemma frutetis.

Melleos inter Venerum lepores,
Oscinum mulcet modulamen aures
Suave, & in molles sonat aura blandum
Fracta susurros.

Dum melos saltus volucrum loquaces
Perstrepit vernans: chorus hinc ferarum
Monte lascivit; cicur hinc amœnis
Lusitat arvis.

Lim-

Limpidus raucum salientis humor
Murmurat rivi: Sueonumque noctis
Lumen aestiva, jubare & diurnum
Obruit orbem.

Numquis Arctos labor adsequetur
Tot voluptates, apicemque laudum?
Mole tironi labefacta rerum
Plectra fatiscunt.

Patriæ sed Flos, COMES o Serene,
Grande nutantum Columen Trionum,
Inter Heroes, Proceres & inter
Gemma togatos.

Perpluunt circum Charitum lepores
Gratis Nomen Tibi gloriosum:
Alma Florali & meritum paratu
Aura coronat.

Sic tumens lauta Tibi fors salute
Germinet: crebris decorata lauris,
Gloria ad Phæbum viridante late
Vertice surgat.

Sacra dum fragrat rosa gratiarum,
Liliisque albens juvenescit Arctos:
Nomen illustri roseum nitescens
Flore perennet.

Sic rudimentum capias clientis,
Dextera indulgens fovet ut jacentem,
Magne MÆCENAS, gravioere quondam
Ore sonande.

I. B.

